

**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 6. Quænam propositiones euidentes, aut aliàs certæ, seu per se
notæ, seu demonstratae ex terminis huius disputationis in superioribus
expositis eliciantur collatis tum inter se, tum cum alijs ...

[urn:nbn:de:hbz:466:1-76990](#)

Petri propriis motibus mouentur in tali casu iuxta dicenda infra quæst. 7. sed præter intentionem Petri directam. Quo eriam pacto impulsus per se impellens currum, aut nauem per accidens mouere dicitur ea, que sunt intra currum, aut intra nauem; à quo subinde currus, & nauis per se, quæ verò in eis continentur, per accidens moueri dicuntur. Primo autem illo modo dicitur moueri per accidens motu calefactionis musicus, cum calefit Petrus, qui est musicus. Musica enim Petri, siue Petrus reduplicatiuē ut musicus nullius motus calefactionis subiectum est; per denominationem tamen extrinsecam à calefactione defumptam, cuius subiecti musica est accidens, moueri seu calefieri musicus dicitur. Hac etiam ratione dicitur Petrus sanari, quando digitus pars eius sanatur, quod est extrinsecè denominari cum motum à motu sui digiti. Pariterque insimilibus.

85 His ita haec tenus stabilitis, atque suppositis, iam facile est dijudicare, quid sit, & quotuplex motus localis, qui motus etiam latitatis, seu latio dicitur, prout nobis erat propositum in præsenti quæst. Est quippe, ut ex definitione motus in genere data colligitur, actus quo alteratur subiectum quoad presentiam localem. Quæ definitio eamdem, atque illa, subit explicationem, suā proportione seruat.

86 Motus autem localis ita vniuersaliter sumptus eadem patitur divisiones, quas motus in genere iam expositas, quasque subinde vnuquisque poterit illi applicare, ne actum agamus. Hoc vnum aduerto, nomine motus localis ut plurimum enim dumtaxat venire vulgo intelligendum, quo circa miraculum videmus corpora moueri. Hic aurem semper est motus extensus, & continuus localiter; tum semper, saltem sensibiliter, est etiam extensus, atque continuus temporaliter; tum semper est à positiuo in positivum. Quo circa id solum dici vulgo solet moueri localiter, quod per præsentia mutationem ex uno loco transit ad alium, amittendo præsentiam in priori, & acquirendo præsentiam in posteriori. Hoc tamen non tollit, id etiam dictum iri localiter motum iuxta definitionem datum, quod, non amissa priori præsentia diuinitus in alio loco acquireret alteram: transiret namque à non præsente ad præsens in eo loco. Tum quod, nullà præsentia acquisita, quam alicubi habebat amitteret: transiret enim à præsente ad non præsens in eo loco. Tum cetera huiusmodi, quæ definitio data complectitur. Quanquam enim non omnes species motus localis in ea contenta vnu veniant in corporibus connaturaliter, in spiritibus tamen fortasse vnu veniunt iuxta dicenda postea, diuinitusque sunt forsan possibles; & ideo vna debent, prout scientia postulat, definitione comprehendendi. Ceterum, vt & vulgari apprehensioni morem geramus, speciali definitione adiecta de motu connaturali rerum dicamus insuper. Motus localis est transitus ex uno loco ad alium per amissionem præsentia in uno, & acquisitionem in alio.

87 Potest præterea motus localis diuidi in descriptuum, circumscriptuum, & contrarium; insuperque in alia membra subdividi penes diversitatem præsentiarum, quæ adquiruntur, aut amittuntur per illum quæstione præcedente traditam.

88 Diuiditur insuper motus localis in rectum, flexuofum, spiralem, & circularem iuxta diuer-

fas lineas spatij localis, quas mobile suo motu potest describere. Atque hæc modò satis. Alia enim in sequentibus attingam.

QUÆSTIO VI.

Quænam propositiones evidentes, aut alias certæ seu per se note, seu demonstrata ex terminis huius disputationis in superioribus expositis elicantur collatis inter se, tum cum alijs expositis in Pharo Scient.

Prosequens methodum, quam cœpi in Pharo 89 Scient. in singulis disputationibus metaphysicis huius Operis, (quemadmodum & in singulis illius præstiti), quætionem proponam congerentem propositiones aliquot evidentes seu per se notas, seu demonstratas (vñā cum certis secundum fidem, si quæ occurrerint) compostas ex terminis vniuersiisque disputationis collatis tum inter se, tum cum alijs expositis aut in disputationibus anterioribus, aut in Pharo Scient. Arbitror enim, laborem hunc & gratum, & utilem fore scientificis, vrope præbentem eis aliquam normam demonstrandi, siue scientiam demonstratiuam texendi in Metaphysicis similem illi, quæ observatur in Mathematicis; aliquodque initium, vnde inchoantes Metaphysicam demonstratiuam possint componere, & in dies paulatim augere; vti Mathematicæ demonstratiuæ principiò inchoatae, deinceps paulatim composta, & in dies aucta sunt. Quod sane maximi momenti, eximisque emolumenti fore omnibus scientijs humanis, quæ vni Metaphysicæ vniuersaliori, seu Prima Philosophia sub alternantur, haud dubitabile est. Igitur illius est generis quæstio præsens. Cui responderetur, propositiones, quas inquit, sequentes esse.

Propositio 1.

Locus omnino est immobilis motu locali. 90

Ita supponunt vnanimiter omnes Philosophi. Nam alioquin posset locatum localiter prorsus immotum mutare locum; aut, non mutando locum, moueri localiter. Quod virumque est absurdum. Cum idem ipsum sit locum mutare, & moueri localiter. Sumimus namque hic, sicut & in sequentibus propositionibus, motum localem pro transitu ex uno loco ad alium per amissionem præsentia in uno, & acquisitionem in alio.

Propositio 2.

Vocatione, seu præsentia localis immobiles etiam est localiter ab eo spatio locali, cui per se correspontet.

Hoc itidem omnes Philosophi vnanimi consensu fatentur, quocunque demum illud sit, in quo consistere, dicunt, præsentiam localem. Quoniam præsentia localis, in quoconque eadetur consistere, ita in spatio locali, seu potius in gradu locali, cui per se correspontet, suapte esse.

essentia fixa est, ut nullatenus possit inde aliud trausferri, ut constat. Dico, cui per se correspondeat. Quia si per aliam praesentiam sibi accessoriari poterit praesentia, locales alibi praesenti fieri, (de quo agendum inferius), ex eo spatio sibi accidentiarior in aliud pariter accidentiarium bene poterit moueri localiter, ut etiam constat.

Propositio 3.

92 Spatium item locale localiter est prorsus immobile.

Sic etiam Philosophi omnes, quidquid, putauerint, esse constitutum eius. Et apud nos est manifestum. Nam spatium locale reipsa nihil est aliud à praesentia possibili, prout est immobile localiter. Quo circa etiam, pro ut à nobis concipitur, quid proorsus fixum, & immobile est. Nec posset aliter conceptum idonea nobis mensura esse, vti reuerat est, omnium mobilium, & immobilium.

Propositio 4.

93 Praesentia, & res praesens per illam, necessariò sunt simul in eodem spatio locali.

Est clarum. Quia praesentia non in alio spatio, ubi ipsa non est, sed in eo, ubi ipsa est, facit praesentem rem, cuius est praesentia. Ut enim actio se ipsa nascitur ab ea causa, à qua media ipsa nascitur effectus, cuius actio est; & unius unius extremi cum altero se ipsa vnitur alterum; & duratio se ipsa durat in eodem tempore, in quo media ipsa durat res, cuius est duratio. Neque aliud possibile est. Ita praesentia se ipsa est praesens in eo spatio, in quo media ipsa est praesens res, cuius est praesentia. Neque aliud possibile est. Hoc namque postulat essentialiter natura praesentia: sicut illud natura actionis, unionis, & durationis, ut est notissimum.

94 Vnde duo imprimis sequuntur. Primum, est. Praesentiam quamlibet non posse non esse, in eodem spatio, in quo res, cuius est praesentia, est praesens per illam: tametsi possit non esse in aliis spatiis, ubi est eadem res praesens per alias praesentias. Secundum est. Rem quamlibet non posse non esse praesentem in eodem spatio, in quo est quaevis praesentia sua quæ sua, idest quæ faciens formaliter ipsam praesentem. (Quod addo propter eos, qui centent praesentiam rem esse, posse que proinde dari nulli subiecto unitam, atque ita nullum subiectum facientem praesens.)

95 Deinde sequitur, praesentiam, & rem praesentem per illam non posse non esse localiter penetratas tum inter se, tum cum spatio locali, cui correspondent: quia, quæ in eodem spatio locali locata, sive praesentia simul sunt, ea dicimus penetrata localiter tum inter se, tum cum ipso spatio.

96 Præterea sequitur, praesentiam, & rem praesentem per illam non posse non esse adæquate penetratas localiter. Nam tunc duo quæpiam dicuntur adæquate penetratas localiter, quando nulla pars alterius extra alterius spatium est; inadæquate vero, quando aliqua pars alterius intra, & aliqua extra alterius spatium est. Constat autem ex dictis, nullam partem rei praesentis posse

De Deo uno.

esse extra integrum spatium suæ praesentie, nec vice versa.

Vnde denique sequitur, praesentiam, & rem 97 presentem per illam localiter mutuo sibi congruere, sive adæquari. Quia ea dicimus localiter mutuo sibi congruere, sive adæquari, quæ adæquate sunt penetrata localiter.

Propositio 5.

Quæcunque eidem spatio locali con- 98 gruunt, sive adæquantur localiter, & inter se quoque congruunt, sive adæquantur localiter.

Quia eo ipso, quod congruunt eidem spacio, sive adæquate penetrantur cum illo, non possunt non & inter se localiter penetrari adæquate. Quod ipsum est, vicissim sibi mutuo congruere, sive adæquari localiter, ut constat ex dictis in precedentibus.

Propositio 6.

Quoties duo aliqua, vel plura cum 99 nullo spatio locali possunt penetrari adæquate, nulli ve adæquari, sive mutuo congruere, neque inter se localiter penetrari adæquate, neque mutuo sibi adæquari, sive congruere possunt.

Est clarum. Quia localiter penetrari adæquate duo quæpiam, subinde sibique mutuo adæquari, sive congruere localiter, nihil est aliud, quam locari ambo adæquate in eodem omnino spatio locali. Quod ipsum est etiam, penetrari ambo adæquate cum tali spatio, eidemque adæquari, & congruere, ut constat ex dictis in precedentibus. Repugnat ergo, ut sine hoc secundo detur illud primum, aut è contra.

Propositio 7.

Res indivisibilis per sui localem repli- 100 cationem, sive repetitionem adæquate penetrabilis est cum qualibet re diuisibili quoad extensionem in spatio extenso locali; & consequenter etiam cum ipso spatio.

Hæc propositio, præterquam quod ex terminis ipsis videtur evidens, certa secundum fidem est. Per quam constat primo, Deum indivisibilem cum omni ente quoad extensionem diuisibili in spatio locali extenso penetrari adæquate. Tametsi Deus insuper in omni spatio vacuo sit praesens, ut infra suo loco dicemus. Secundò, animam rationalem indivisibilem cum suo corpore diuisibili, & animam Christi domini in Eucharistia cum speciebus insuper panis, & vini in spatio locali extenso penetrari adæquate. Tertio, Angelum indivisibilem sive cum corporibus, aut alijs etiam entibus diuisibilibus quoad extensionem in spatio extenso locali penetrari adæquate, &c. Idemque est de qualibet re indivisibili quoad extensionem; tametsi sit diuisibilis quoad intentionem.

Dicitur autem res indivisibilis per sui loca- 101 lem replicationem, sive repetitionem ponit inspa-

spatio extenso siue illud occupare, aut replere, & consequenter cum re diuisibili quoad extensionem in eodem spatio posita, cum ipsoque spatio penetrari adæquate, quando tota in toto spatio, & tota in singulis partibus spatij est, unde, esse aliquid replicatum, siue repetitum localiter in spatio extenso, nihil est aliud, quam esse totum illud præsens simul in omnibus, & singulis partibus spatij.

Propositio 8.

¹⁰² Res diuisibilis quoad extensionem, cum re diuisibili etiam quoad extensionem est penetrabilis adæquate in spatio extenso locali; & consequenter etiam cum ipso spatio, tum per suarum partium, localem distributionem, tum item per sui totius localem replicationem, siue repetitionem.

Prior pars huius propositionis vel ipsa experientia est cunctis conspicua in omnibus rebus corporis, quæ cum multis suorum accidentium in eodem spatio locali extenso cernuntur penetratae adæquate, ut cum calore, frigore, odore, colore, lumine, presentia, &c. Secunda vero pars, prater quam quod satis ex terminis videtur evidens, certa secundum fidem est ex mysterio Eucharistia. Vbi Christus dominus cum speciebus sacramentalibus creditur penetratus adæquate in spatio locali extenso per sui totius præsentialem replicationem. Cum creditur esse totus in toto, & totus in singulis partibus talis spatij, & talium specierum.

Propositio 9.

¹⁰³ Res siue indiuisibilis, siue diuisibilis cum re siue indiuisibili, siue diuisibili per localem contractionem ambarum potest in spatio locali in extenso penetrari adæquate; atque adeò etiam cum ipso spatio.

Est prorsus certum. Quia Angelus in quoquis spacio indiuisibili, cui præsens est, penetratur adæquate cum Deo. Et anima rationalis cum quoquis punto sui corporis est adæquate penetrata in spacio indiuisibili: tum cum omnibus partibus intensionis accidentium existentium in tali punto, ut coloris, lucis, odoris, saporis, &c. & accidentia ita inter se. Tum totus Christus in Eucharistia cum quoquis indiuisibili punto specierum sacramentalium, est penetratus adæquate in punto spatij indiuisibili. Universaliter enim quæcumque in spacio indiuisibili quoad extensionem simul ponuntur, ea per sui localem contractionem dicimus in eo poni, atque adeò inter se, & cum ipso spatio penetrari; siue ea in se sint indiuisibilia, siue diuisibilia.

Propositio 10.

¹⁰⁴ Extensio rei locatae in spatio locali

extenso alia est extensio per partium rei localem distributionem; alia per totius rei localem replicationem, siue repetitionem.

Primaque sit, cum singulæ partes rei locatae in singulis partibus spatij ipsis æqualibus ponuntur per distributionem accommodam. Secunda vero, cum tota res locata integrè ponitur in omnibus, & singulis partibus spatij. Unde ad primam requiritur, quod res locata ex tot omnino partibus composita sit, ac est compositum spatium, cui adæquatur, seu congruit. Ad secundam vero solum requiritur, quod tota res locata in singulis omnino partibus spatij ponatur, siue ea diuisibilis, siue indiuisibilis fit. Nomine autem partis semper intelligimus id, quod quoquo modo simul cum alio quopiam, vel alijs componit, siue constituit totum.

Propositio 11.

Contractio rei locatae in spatio inextenso, siue indiuisibili quoad extensionem ¹⁰⁵ alia est rei in se etiam in diuisibilis, alia rei in se diuisibilis, atque adeò composita ex partibus.

Constat ex dictis, & ex se. Nec maiorem eget explicatione.

Propositio 12.

Extensio localis rei locatae in spatio locali extenso; contractioque localis rei locatae in spatio locali inextenso aut essentialis, seu necessaria, aut accidentalis seu contingens ipsi rei locatae esse potest. ¹⁰⁶

Erit quippe essentialis, seu necessaria, si talis res se ipsa in tali spatio locata sit; ut sunt omnes vocationes, siue præsentia in proprijs spatijs. Accidentaliter vero, seu contingens erit, si res locata per præsentiam à se distinctam, & fibi contingentem locata sit; ut sunt omnes res indiferentes ad essendum, & non essendum in spatio, in quo sunt; ut constat.

Propositio 13.

Quæ sunt distantia localiter quatenus talia localiter penetrata non sunt. Et quæ localiter sunt penetrata prout talia localiter non sunt distantia. ¹⁰⁷

Est clarum. Quia penetrata localiter prout talia in eodem sunt spatio locali. Distantia vero localiter prout talia in spatijs diversis, iisque ita inicem sciuntur, ut inter illa aliquod alind spatiū locale sit interpositum; ut ex dictis in præcedentibus palam est. Constat autem quæ sunt in eodem spatio locali, ut sic in diversis ita inter se sciuntur esse non posse. Nec vice versa.

Propositio 14.

Quæ sunt localiter contingua quatenus ¹⁰⁸

nus talia, neque penetrata, neque distantia localiter sunt. Sicut neque est conuersio.

Quia localiter contigua dicimus ea, quae sunt in distinctis spatiis ita immediatis, ut inter unum, & alterum nihil prorsus mediet, sive interponatur spatii; (idque sive sint illa inter se vniuersitatem sive secus). Constat autem, quae in spatiis sunt ita immediatis, prout sic neque esse in eodem spatio, ut sunt penetratae; neque in diuersis sciuntur, prout sunt distantia. Similiterque, nec vice versa.

Propositio 15.

Duo extrema aut adæquatae, aut inadæquatae possunt contigua esse localiter.

Erunt adæquatae contigua, si nulla sit pars spatij vnius, quae non sit immediatae alicui parti spatij alterius. Inadæquatae vero, si aliqua pars spatij vnius nulli parti spatij alterius immediata sit. Indubitate autem est, duo extrema vtrouis ex dictis modis posse localiter se habere.

Propositio 16.

Duo extrema aut adæquatae, aut inadæquatae possunt distantia esse localiter.

Erunt adæquatae distantia, si nulla sit pars spatij vnius, quae non sit distans ab omni parte spatij alterius. Inadæquatae vero, si aliqua pars spatij vnius distans sit ab aliquâ parte spatij alterius. Indubitate autem est, duo extrema vtrouis ex dictis modis posse localiter se habere. Vnde colliges, duo extrema aut adæquatae, aut inadæquatae posse etiam esse penetrata localiter. Constat enim id manifeste ex hac, & praecedenti propositione; atque etiam ex dictis proposit. 4.

Propositio 17.

Distantia adæquata localis magis, & minus potest suscipere. Secus penetratio, & contiguitas etiam adæquata localis.

Quia adæquata distantium localiter aliqua magis, & aliqua minus sunt distantia inter se penes maius, aut minus spatium locale medianum, seu interpositum. Adæquatae vero penetratorum, & contiguum localiter necunquam possunt alia dici magis penetrata. aut magis contigua, quam alia; ut ex se est notissimum;

Propositio 18.

Idem secum ipso penetratum localiter dici congrue non potest, quantumvis plures ybicationes eidem spatio correspondentes habeat. Benè tamen dici potest idem sibi ipsi contiguum, aut à se ipso distans prout habens plures ybicationes

in spatiis distinctis contiguis, aut inter se distantibus.

Tota hæc propositio ex ipsis terminis satis, sive per se evidens est,

Propositio 19.

Nullum mobile est affixum suapte essentia spatio locali, vnde moueri potest.

Est clarum. Quia quod spatio locali affixum est, eo ipso ex tali spatio immobile est iuxta dicta proposit. 2.

Propositio 20.

Si ex duobus entibus localiter penetratis alterum moueat localiter, aut etiam vtrumque, penetrationem, quam habebant, amitti ab illis necesse est. Siue acquirant aliam; sive secus. Nam vtrumque est possibile. Tantumdemque venit dicendum, sive proportione seruatæ, de duobus entibus aut contiguis, aut distantibus localiter.

Tota propositio cerissima est, ac prorsus evidens. Quia, quoties quodus ens per motum localem amittit spatium, presentiamque, quam in illo habebat, eo ipso amittit eam penetrationem, distantiam, aut contigitatem, quam habebat cum alio ente, vt pote includenter in suo conceptu reali tales presentiam, & spatium. Idque, sive alterum ens moueat etiam, sive secus. Acquirent autem eiusmodi entia per motum aut vnius, aut amborum aliam penetrationem, aut contigitatem, aut distantiam penes coniunctum presentiarum, quod eis obuenierit correspondentium aut eidem spatio, aut spatijs contiguis, aut distantibus; ut est notissimum.

Propositio 21.

Quiescere omnino, sive simpliciter idem ens, & simul moueri, prorsus est impossibile. Quiescere vero in uno loco, & moueri in alijs, possibile est, supposito, quod possit esse in pluribus locis. De quo infra.

Prior pars propositionis constat. Quia, ens quiescere simpliciter, est omni illud motu carere. Carere autem omni motu, & simul moueri, arque adeo aliquem habere motum, contradictria sunt. Posterior autem pars etiam constat. Quia, supposito, quod ens in pluribus locis esse possit, nihil vetat, quod persistens in uno ex altero ad tertium moueat; ut est notissimum. Quo casu quiescens in primo ex secundo ad tertium mouebitur.

Propositio 22.

Contractio localis entis antea extensi; extensioque localis entis antea contractum

tum per motum localem strictum, de quo in hac quæstione agimus, tum absque tali motu effici potest.

Fiet namque per talē motū, si amissā præsentia vnā, vel pluribus, quibus antea erat ens aut contractum, aut extensum localiter, agitantur alia, vel alia, quibus reddatur illud aut extensum, aut contracūm localiter: quod manifestē est possibile, siue ens diuisibile, siue indiuisibile sit. Ita namque strictus dabatur motus in huiusmodi ente ab uno spatio ad aliud. Id quod bifariam rursus fieri potest, quando ens diuisibile est. Si enim sit sermo de extensione eius per sui totius replicationem localem iuxta dicta proposit. 10. perinde mouebitur à contractione ad extensionem, aut ab extensione ad contractionem motu adæquato, atque ens indiuisibile. Si autem sit sermo de extensione eius per localem suarum partium distributionem iuxta dicta ibidem, transitus à contractione ad extensionem, aut ab extensione ad contractionem tum per adæquatum motum, omnium videlicet partium ipsius, effici poterit, tum per inadæquatum aliquarum, non vero omnium; ut facilē conspicuum fiet considerant. Nam verò absque motu stricto ens, siue indiuisibile, siue diuisibile sit, ex contracto fiet extensum per sui totius localem replicationem si, retenta præsentia in spacio indiuisibili, in quo erat contractum, in alijs spatijs acquirat alias præsentias similes. Ex extenso verò similiter contractum fiet, si ceteris præsentijs amissis, vnam in spacio aliquo indiuisibili retineat. In his enim casibus non transiet ab uno spatio ad aliud per amissionem præsentis in illo, & acquisitionem in hoc, vtest notum: prout ad motum stricte sumptum requirebatur. Per quæ demonstrata manet integra propositio.

Propositio 23.

117 Impossibile est, vt res indiuisibilis in spacio locali extenso, seu diuisibili locetur citra localem replicationem, siue repetitionem sui.

Demonstro facile. Quia res indiuisibilis non potest in spacio diuisibili præsens esse, nisi ipsa tota sit simul in singulis partibus spatijs; neque enim vna pars eius in vna parte spatiij, & alia in aliâ, &c. potest esse; cum nullas habeat partes. Sed, esse totam simul in singulis partibus spatijs, est esse replicatam, siue repetitam localiter in tali spacio iuxta dicta propositione 7. Ergo, quām impossibile est, esse rem indiuisibilem absque replicatione sui locali replicatam localiter in spacio locali extenso, tam impossibile est, esse eam collacatam in spacio locali extenso citra localem replicationem, siue repetitionem, siue.

Ex hac propositione sequitur primò, Deum, vtpote substantiam indiuisibilem, non aliter esse, vbiique ratione sua immensitatis, quām per replicationem, siue repetitionem sui localem in omnibus, & singulis partibus spatijs localis, in quo est præsens.

119 Secundò sequitur, Angelum, & animam rationalē, vtpote substantias indiuisibiles, non aliter posse collocari in spacio locali extenso, in-

quo de facto collocantur, quām per replicationem sui localem in omnibus, & singulis partibus talis spatij.

Propositio 24.

Quotiescunq; res indiuisibilis absque 120 vllā locali replicatione sui in aliquo spatio locali locata est, non potest non tale spatiū indiuisibile esse.

Est clarum. Quia, si esset diuisibili iam res indiuisibilis in spacio locali diuisibili locaretur citra localem replicationem sui contraproposit. 23.

Ex hac propositione sequitur, spatiū localē adæquatum rei indiuisibilis localiter non replicata dumtaxat posse esse punctum indiuisibile: pariterque præsentiam adæquatam eius ut sic indiuisibile, siue inextensam esse debere. Itaque, si alicubi absque vllā sui replicatione locetur Angelus, non potest non spatiū locale eius inextensem penitus, siue indiuisibile esse, vt propostio data fert, qualia sunt sola spatiū puncta; nec potest non esse inextensa proflus præsentia, quia ibi vnicē locatur; nam si esset extensa, non ibi vnicē, sed in spacio extenso locaret Angelum iuxta proposit. 4.

Propositio 25.

Vt res indiuisibilis spatiū locale extensem repleat, aliquoties illam intra hoc locari, localiterve replicari, seu repeti, necesse est.

Quoniam nequit quidpiam replere spatiū, nisi intra illud locetur, vt est notissimum ex se, & ex dictis. Sed non satis est semel locari absque vllā sui locali replicatione, quando spatiū est extensem, & res locata indiuisibilis, iuxta propositionem 23. Ergo aliquoties ea locari debet, vt illud repleat. Quod erat demonstrandum.

Ex hac propositione sequitur primò, non 123 posse quidpiam indiuisibile spatiū extensem replere absque interuentu aliquius multitudinis repetitionum, seu repetitionem localium sui.

Secundò sequitur, quidquid per aliquam multitudinem repetitionum localium sui spatiū locale extensem replet, eo ipso esse mensuram eius; quia mensura aliquius quantitaris, qualis est tale spatiū, vt omnes Mathematici definiunt iuxta infra dict. 10. dicenda, ea est, quæ aliquoties repetita mensurato adæquatatur.

Vnde sequitur tertio, id, quod per aliquot 125 suas locales repetitiones replet spatiū extensem, non posse non esse æquale aliqui parti aliquoties talis spatiij. Pars enī aliquota iuxta omnes etiam Mathematicos est, quæ meritur totum, atque adeò, quæ aliquoties sumpta, seu repetita totum contigit. Necesse autem est vt æqualia sint inter se, quæ æquæ multipliciter sumpta, seu repetita aut idem totum, aut æqualia constituunt, vt demonstratur à Goemetris; & satis per se est evidens.

Vnde rursus sequitur quartò, sicutitas A per 126 sui localem repetitionem replet spatiū extensem B, ipsi vè adæquetur, & congruat, non posse nonentitatē C per suarum partium aliquotarum loca-

localem distributionem idem spatium replere, ipsi
vè adæquari, & congruere casu, quod qualibet
taliū partium aliquotarum æqualis sit entitati
A, & multitudine earumdem partium aliquotarum
entitatis C æqualis sit multitudini repetitionum
localium entitatis A. Est clarum ex terminis
ipsis. Sed declaratur amplius, ac demonstratur.
Nam quoties eadem mensura æquè multipliciter
repetita duo quæ piam tota metitur, non possunt
non talia tota esse inter se æqualia, sibique subin-
de mutuò congruere, & adæquari, vt demon-
strant Geometrae; satisque ex terminis ipsis perip-
cium est. Sed in casu posito entitas A mensura
est, quæ aliquos repetita metitur totum spa-
tium B, vt supponitur, eademque æquè multi-
pliciter repetita metitur entitatem C: siquidem,
hæc tot partes habet æquales entitati A, quot sunt
repetitiones eius circa spatium B, vt etiam sup-
ponitur. Igitur totum spatium B, & tota entitas
C æqualia quedam tota sunt, quæ mutuò inter
se congruunt, & adæquantur; atque adeò æquè
potest spatium B per partes entitatis C localiter
distributione repleri, ac per entitatem A toties re-
petitam, quæ sunt illa partes, repleri ponitur.
Quod erat demonstrandum.

Propositio 26.

¹³⁷ **Impossibile est, vt res indiuisibilis spa-**
tium locale extensum repleat per sui loca-
lem repetitionem, seu replicationem; nisi
tale spatium sit compositum ex solis indiu-
isibilibus; non verò aut ex solis partibus
sive sine diuisibilibus; aut ex utrisque.

Demonstratur primò. Quia res indiuisibilis
semel tantum locata unicum dumtaxat punctum
spatij localis replere potest, vt constat ex pro-
positione 24, ex ipsisque terminis est satis clarum.
Ergo bistantum locata duo tantum spatij puncta,
& decies decem, & plures plura replere poterit,
& nihil amplius; sive huiusmodi pluralitas finita,
sive infinita esse dicatur. Consequientia est evidens:
quia quod semel locata potest tantum semel præ-
stare, nempe unicum tantum punctum replere,
decies locata decies tantum præstare poterit. nem-
pe decem tantum puncta replere, & plures loca-
ta plures tantum præstare poterit, nempe plura
puncta tantum replere, sive ea sint infinita, sive
finita. Impossibile ergo est, eam aliquid amplius
spatij replere, præter quam totidem puncta,
quot fuerint eius repetitiones locales. Et
consequenter replere totum spatium, si hoc non
ex solis punctis componatur. Quod erat pro-
bandum.

Demonstratur secundò. Nam vel ex ipsis
terminis videtur evidens, supposito, quod res
indiuisibilis semel tantum locata unico dumtaxat
puncto spatij adæquari potest, non posse eam nisi
solis punctis spatij adæquari, quantumvis infini-
ties in spatio dicatur locari; evidens enim haud
dubie est, naturam vniuersiusque simplicis loca-
tionis eius non variari ex eo, quod sola, aut alijs
comitata ponatur; (vt est evidens, non variatam
in naturam locationis, quam ego modò habeo
Rome, ex eo, quod Deus modò me per præ-
sentiam aliam locaret Matri). Ergo, si singula
eius locationes solitariè posse singulis tantum
punctis spatij possent correspondere; evidens haud

dubie est, eisdem dumtaxat suapte naturā, & es-
sentiā correspondere posse, quantumvis coniuncta
ponantur. Nequit igitur res indiuisibilis plus
quam indiuisibilia spatij replere, quantumvis in
eo localiter replicetur: & consequenter neque
replere totum spatium, nisi ex solis indiuisibilibus
compositum sit; vt propositio nostra fert.

Demonstratur tertio. Ponamus Angelum
¹³⁹ per multitudinem aliquam replicationum loca-
lium sui replere aliquod spatium extensem. Et
arguo sic. Nulla omnino est huiusmodi replica-
tionum, quæ per se seorsum quid amplius replet,
quam unicum punctum talis spatij; siquidem, si
quelibet, sublati reliquis, sola à Deo relinque-
retur, nihil amplius repleret, iuxta propositio-
nem 24. Ergo tot dumtaxat puncta talis spatij
replet Angelus, quot sunt replicationes locales
eius; & nihil amplius. Si enim singula replica-
tions distributiæ sumptæ singula puncta dumta-
xat, & nihil amplius replent; necesse est, vt in-
tegra replicationum collectio nihil amplius re-
plet, quam integrum collectionem totidem
punctorum, vt est notissimum. Vnde per
omnes replicationes, sive distributiæ, sive colle-
ctiæ eas sumas, nihil amplius, quam omnia
puncta sive distributiæ, sive collectiæ sumptæ
replentur. Vel ergo tale spatium ex solis talibus
punctis compositum est. Quod est nostrum inten-
tum. Vel non repletur totum ab Angelo contra
suppositionem factam. Quod est absurdum.

Demonstratur quartò. Quoniam, si res
indiuisibilis A per aliquot replicationes loca-
les sui potest replere spatium locale extensem.
B, cecesse est, vt res diuisibilis C composta
ex totidem partibus aliquotis æqualibus ipsi A,
atque adeò potest indiuisibilibus ipsum quoque
spatium per talium partium localem distributio-
nem replere posset, vt constat ex consecr. 4.
proposito 25. Sed est impossibile, vt res compo-
sta ex puris indiuisibilibus replet aliquod spa-
tium, eique subinde congruat, & adæquetur
per suarum partium localem distributionem, nisi
tale spatium ex puris etiam indiuisibilibus com-
positum sit, vt ex dictis, & ex ipsis terminis est
manifestum. Ergo est impossibile, vt res indiu-
isibilis A per aliquot sui locales replicationes re-
plet spatium extensem B, aut quodvis aliud,
nisi tale spatium, & quodvis aliud ex solis indiu-
isibilibus composta sit. Quod erat ostenden-
dum.

Propositio 27.

Impossibile est, vt res diuisibiliis clara
¹³¹ **localem sui contractionem in spatio inex-
tenso, seu indiuisibili locetur.**

Est clarum. Nam, si omnes partes talis rei
in tali spatio collocantur, iam ibi internuit con-
tractio localis ipsius rei iuxta dicta proposit. 9.
Si vero non omnes, iam ibi non locatur res ipsa;
quia res non est aliqua pars sui tantum, sed om-
nes, vt constat. Ergo.

Ex hac propositione sequitur, nullam rem
¹³² locarerit extensam, hac retentâ extensione, villa-
tenus posse spatio indiuisibili congruere, sive ei
adæquari.

Propositio 28.

¹³³ Quotiescumque res diuisibilis absque locali sui contractione in aliquo spatio locali locata est, non potest non tale spatum diuisibile esse.

Quia si esset indiuisibile, iam res diuisibilis in spacio indiuisibili locaretur citra localem sui contractionem contra proposit. 27.

¹³⁴ Ex hac propositione sequitur, spatum locale adæquatum rei diuisibilis non contracta localiter non posse non esse diuisibile: pariterque præsentiam adæquatam eius diuisibilem, sive extensam esse debere.

Propositio 29.

¹³⁵ Impossibile est, vt res diuisibilis composita ex partibus sine fine diuisibilibus aut solis, aut mixtis cum indiuisibilibus per talium partium localem distributionem, absque illâ contractione congruat, seu adæquetur spatio locali extenso, quod ex solis punctis indiuisibilibus compositum sit.

Ita omnes sentiunt. Et demonstratur primum. Quia nulla est pars diuisibilis in tali re, quæ sine locali sui contractione alicuius punto talis spati possit congruere, nullumque est punctum in tali spatio, quod alicui parti talis rei absque eius locali contractione congruere possit iuxta proposit. 27. Igitur impossibile est, omni locali contractione seclusa, vt tota res toti spatio congruat per suorum partium localem distributionem. Si enim ita congrueret, iam non solum daretur aliqua pars rei congruens alicuius punto spati, aliquodque punctum spati congruens alicui parti rei, sed omnes, & singulae partes rei omnibus & singulis punctis spati, in quibus essent distribuita, congruerent, & vice versa contra eisdem propositionem.

¹³⁶ Secundò aliter. Ut talis res tali spatio modo dicto congrueret, necesse planè erat, rem totam ita intra spatum totum distribui, vt præter rei indiuisibilia, si qua ea habere dicatur, aliqua pars eius ex alijs composita cuilibet spati puncto correspondaret, eique congrueret circa sui contractionem, aut saltem punctorum plerisque. Hoc autem ex proposit. 27. impossibile est.

¹³⁷ Tertiò. Hoc ipso, quod res composita ex partibus in infinitum diuisibilibus in spatio extenso locatur circa omnem sui contractionem, non possunt non partes quoque spati esse in infinitum diuisibiles; ne si indiuisibile spatum, in quo aliquid diuisibile circa sui contractionem locatum est contra proposit. 28. Ergo in spatio ex solis punctis composito res diuisibilis modo dicto locari non potest.

Propositio 30.

¹³⁸ Impossibile est, vt res indiuisibilis per sui localem repetitionem penetretur localiter, & adæquatè cum re diuisibili absque contractione illâ extensa locali-

ter, ipsi ve congruat, & adæquetur in spatio locali extenso, si hæc ex partibus in infinitum diuisibilibus aut solis, aut mixtis cum indiuisibilibus, non verò ex solis indiuisibilibus composita sit.

Hæc propositio eisdem imprimis venit demonstranda argumentis, quibus proposit. 26. demonstrata est. Quæ enim ibi adducta demonstrant, impossibile esse, vt res indiuisibilis per sui localem repetitionem repleat spatum diuisibile, (& consequenter adæquatè penetretur eum eo, ipsique adæquetur, & congruat; hæc enim omnia in idem recidunt iuxta dicta proposit. 4), nisi tale spatum ex solis indiuisibilibus compositum sit. Pariter demonstrant, impossibile esse, vt res indiuisibilis per sui localem repetitionem adæquatè penetretur cum re diuisibili extensa, nisi hæc ex solis indiuisibilibus composita sit, prout dicitur in præsenti propositione. Cui proinde ab unoquoque, paulò variatis terminis, sunt applicanda; à nobis verò non repetenda.

Speciatim tamen præterea potest hæc propositio ex præteritis sic demonstrari. Quoties duo aliqua cum nullo spatio locali possunt penetrari adæquatè, nullivè adæquari, sive congruere, neque inter se localiter penetrari adæquatè, nec mutuò sibi adæquari, sive congruere possunt, iuxta proposit. 6. Sed res indiuisibilis per sui localem repetitionem, & res diuisibilis constans ex partibus sine fine diuisibilibus per sui localem distributionem omni expertem contractionem locali cum nullo spatio locali possunt penetrari adæquatè, nullivè adæquari sive congruere. Ergo tales res modo dicto neque inter se localiter penetrari adæquatè, nec mutuò sibi adæquari, sive congruere possunt. Consequentia est legitimia, vt patet. Maior est proposit. 6. citata. Minor ostenditur. Quia res indiuisibilis per sui localem repetitionem dumtaxat potest adæquari spatio locali extenso composito ex solis indiuisibilibus iuxta proposit. 26. & res diuisibilis, de qua est fermo, nequit tali spatio adæquari iuxta proposit. 29. Igitur ambae simul nulli spatio adæquari possunt. Quod erat ostendum,

Propositio 31.

Nulla res quoad extensionem locali diuisibilis datur, imo nec dari potest, quæ ex partibus in infinitum diuisibilibus physicè composita sit. Sed omnes in pura tandem indiuisibilia resolubiles, atque adeò ex solis illis composita physicè necessariò esse debent.

Hæc propositio quarumdam ex præcedentibus est fructus non exiguis. Quæ, licet ad resolutionem infra disput. 10, quæst. 4. tradendam circa continuū compositionem pertineat; maneat tamen hic demonstrata ex principijs de præsentia locali demonstratione iungendā postea cum alijs, quæ in quæstione dicta exponentur. Demonstratur autem ex dictis sic. Impossibilis est res quo ad extensionem locali diuisibilis, cum qua Deus, aut etiam Angelus, alioque res indiuisibiles non sint per sui localem replicationem, sive repetitionem penetrabiles

R adæ-

adæquatè in spatio extenso locali iuxta proposit. 7. (Et quidem de Deo saltem negari nequit, saluà fide, esse penetrabilem adæquatè cum omni creaturā possibili ratione suæ immensitatis iuxta dicenda disput. 6. Alter autem, quām per sui replicationem localē, non posse eum penetrari adæquatè cum rebus localiter extensis constat ex proposit. 23.) Pergo. Sed Deus, Angelus, aliaque res indivisiibiles per sui localē replicationē non sunt penetrabiles adæquatè in spatio extenso locali cum re quoad extensionem diuisibili, quæ ex partibus in infinitum diuisibili, non vero ex puris, solisque indiuisibilibus physicè composita sit iuxta proposit. 30. Igitur impossibilis est res quo ad extensionem diuisibili, quæ ex partibus in infinitum diuisibili, non vero ex puris, solisque indiuisibilibus physicè composita sit.

141 Ex hac propositione infertur, omnem præsentiam localē possibilē diuisibili quoad extensionem ex solis tandem indiuisibiliib⁹ esse necessariō compositam; atque ita spatiū etiam localē extensem in possibilitate huiusmodi præsentiarum re ipsa cōsistens iuxta dicta quest. 2. ex solis pariter indiuisibiliib⁹ compositum, esse necessariō. Tantumdemque dicendum est, de omni motu locali possibili; atque de omni loco extrinseco.

Propositio 32.

142 Quæcunque de actu, & potentia yniuersè in Pharo Scient. disput. 8. quest. 4. sunt demonstrata, consequenter demonstranda hic veniunt de ybicatione, motu, penetratione, contiguitate, distantiā, extensione, contractione, adæquatione, & congruentia locali tanquam de quibusdam actibus, deque eorum, potentij, quatenus conceptus yniuersales actus, potentiaeque participant.

Est clatum, Quia clarum est, quæcunque conceptibus superioribus conueniunt, & inferioribus, in quibus illi reperiuntur, pariter conuenire. Quo circa omnes demonstrationes ibi factæ huc poterunt ab unoquoque applicari.

Propositio 33.

143 Quæcunque de ente, & essentiā in Pharo Scient. disput. 9. quest. 5. sunt yniuersē demonstrata, de terminis propositio ne præcedenti recensitis, prout sunt entia, & essentiæ quædam, pariter demonstranda veniunt.

Ratio est eadem, quæ ipsius præcedentis propositionis.

Propositio 34.

144 Quæcunque de statibus entium in Pharo Scient. disput. 10. quest. 5. sunt demonstrata, de terminis commemoratis

proposit. 32. prout habentibus esse in il lis statibus similiter demonstranda veniunt.

Ratio prorsus est eadem.

Propositio 35.

Quæcunque de possibili, impossibili, contingentī, & necessario in yniuersum sunt demonstrata in Pharo Scient. disput. 11. quest. 5. de dictis terminis numeratis proposit. 32. prout ista prædicta participabitibus similiter veniunt demonstranda.

Ob eamdem præcedentium rationem.

Propositio 36.

Idem dicendum de demonstrationibus factis in Pharo Scient. disput. 13. quest. 3. circa rerum identitatem, & distinctionem, in yniuersum.

Propositio 37.

Idem similiter dicendum de de monstrationibus factis in Pharo dicta o disput. 14. quest. 4. circa relationem, con nexione, & oppositionem rerum yniuersim.

Propositio 38.

Idem de demonstrationibus factis ibidem disput. 15. quest. 7. circa rerum prioritatem, posterioritatem, & simultatem.

Propositio 39.

Idem de demonstrationibus factis ibi dem disput. 16. quest. 3. circa similitudinem, dissimilitudinem, æqualitatem, inæqualitatemque rerum.

Propositio 40.

Idem denique dicendum est de de monstrationibus factis in eadem Pharo di sput. 17. quest. 3. circa rerum unitatem, & pluralitatem in yniuersum.

Ratio semper est eadem. Quia nimis termini disputationum omnium, atque questionum ex Pharo Scient. relatarum ob suam yniuersalitatem eximiam manifeste includuntur tanquam in inferioribus, minusque yniuersalibus in terminis præsentis disputationis, atque questionis proposit. 32. numeratis. Atque ita pationes demonstratae de illis locis citatis non possunt non & his conuenire cum evidentiā eadem prout in se includentibus illos. Quo fit, ut & ab unoquoque de his prout illos eosdem in se includentibus non possint non facilimē de mon-

mostranda venire. Recognoscat ergo vñus-
quisque demonstrationes illas, & hoc appli-
cat, prout arriserit, vel prout opus habuerit.

QVAESTIO VII.

*Vtrum omnia, & singula entia
proprias presentias loca-
les habeant.*

151 **N**on agimus hic de ente increato, acturi-
disput. 6. sed de reliquis. Quæ ad tria capi-
ta, quod ad rem artinet, reduci possunt: nempe
ad substantias spirituales, quales sunt Angelii,
& animas rationales; ad substantias corporeas,
quales sunt reliqua creaturæ; & ad utrariumque ac-
cidentia.

152 Et quidem de præsentia locali Angelorum, longam disputationem texunt Theologi in tract. de Angelis. In qua ut certum secundum fidem supponunt primo, Angelos alicubi esse: quia sæpe eis tribuitur locus in Scriptura, Apocal. 12. & alibi. Secundo, non esse ubique: quia sæpe etiam in Scriptura dicitur, eos locum mutare per transiit ex uno ad alium, ut Math. 4. Luc. 19. Marc. 5. & alibi. Vnde etiam constat, eos per aliquod genus motus localis moueri, & præsentiam in loco acquire. Differunt tamen in explicando, quo pacto illi in loco sint.

153 Prima sententia est, Angelum esse in loco per applicationem virtutis angelicae ad corpus existens in loco. Ita videatur docere S. Th. I. p. quæst. 52. art. 1. vbi eius discipuli varie huiusmodi applicationem exponunt, putantes alij, fieri illam per operationem Angeli transiunt. Alij, per quidam operationi simile. Alij, per aliqualem uniuersitatem Angeli cum corpore, ut videatur apud Soar. lib. 4. de Angelis cap. 4. & 5. Vaz. 1. p. disp. 188. cap. 3. Alarc. disp. 6. de Ang. cap. 2. & alios mox referendos.

154 Secunda sententia est, Angelum esse præsen-
tem loco per suam substantiam, addita tamen volitione, qua vult in hoc loco esse, aut in alio. Ita Scot. in 2. disp. 2. quæst. 6. Bonau. Gabr. Mar. & alij apud Vaz.

155 Tertia sententia est, Angelum esse in loco per quamdam unionem sui physicam cum corpore, existente in loco, vbi autem corpus non est, ibi Angelum præsentem localiter esse non posse. Ita docet Vaz. 1. p. disp. 29. cap. 3. & disp. 188. cap. 7. & disp. 195. cap. 3. & 4. Quem sequuntur Bubalus tom. de Angelis quæst. 52. art. 1. quæsto 2. diffi. 3. Albertin. quæst. 1. theologica. circa 1. Corol. dub. 11. & Alarc. supra cap. 5. & seqq. Dicunt autem Auctores huius sententiae primò, eiusmodi unionem esse modum spirituali, & indi-
uisibilem substantiam Angeli inhærentem, ab ipso que Angelo in se productum, non naturaliter, sed liberè; per quem torus toti, & totus cuilibet corporis parti vniatur. Secundò dicunt, ratione huius unionis ad corpus, dum hoc localiter mouetur, per accidentem moueri Angelum, transireque de uno spatio ad aliud, eadem numero semper uione retenta. Tertiò dicunt, alter posse Angelum pro suo libito mutare locum, suspendendo actionem productiuaum unionis sui cum hoc corpore, & producendo aliam unionem sui cum alio corpore, siue distante à primo multum, aut parum,

sive ipsi contiguum. Quartò dicunt, in spatio corpore vacuo neque posse Angelum esse locatum, neque localiter moueri. Quintò dicunt, corpus, cui Angelus vnitur localiter non cuiusvis, sed certæ, & limitatae magnitudinis esse debe-
re iuxta naturalem Angeli perfectionem. Sextò dicunt, posse Angelum pro suo libito ab omni loco absolui, & esse nullibi. Septuagint. posse plures Angelos naturaliter esse in eodem loco. Ac demum alia, quæ ex his sequuntur. Quo pacto etiam philosophantur de anima rationali.

Quarta denique sententia est, Angelum esse in loco per præsentiam sua substantia superadditam, & inhærentem ab omni corpore independenter, affixam tamen suapte essentiæ spatio locali, qualem exposuimus supra quæst. 1. Ange-
lum enim per se esse præsentem spatio locali, per illudque independenter ab omni corpore moueri posse, non secus, atque alia entia sunt, & mouen-
tur; nisi quod præsentia Angelii ad spatium extensem definitum est, proportionataque quadam extensionem naturæ Angelii debet esse. Hanc sententiam tradit, latèque explicat, & probat Soar. disp. 51. Metaph. lect. 3. & 4. & lib. 4. de Angelis à cap. 2. per multa sequentia. Eamdemque sequuntur Molin 1. p. quæst. 52. art. 8. Valent. ibi, & alij, Granad. tract. 9. disp. 3. lect. 2. Arrub. disp. 154. cap. 3. Turrian. disp. 36. de Angel. dub. 7. Arriag. disp. 14. Phys. lect. 5. Franc. Alf. disp. 22. Phys. & alij Recentiores communiter. Qui omnes similiter philosophantur de anima ratio-
nali.

Iam vero circa substantias corporeas opinio quorundam est, nec eas nec cetera earum acci-
dencia, præter vnam quantitatem, præsentiam sibi propriam habere: cuncta enim cetera in quo-
uis ente corporeo per se subsistente ab una præ-
sentia quantitatibus, cui vniuntur, præsentia reddi,
& uno quantitatibus moueri. Dicitur autem
quantitas (sumpto hoc vocabulo specialiter) acci-
dens illud, quod facit eiusmodi ens esse impene-
trabile cum alijs, & partes eius inter se. Hanc sententiam sequuntur Vaz. tom. 3. in 3. p. disp.
189. cap. 4. n. 29. & alij. Contentaque nouissime
Lynce lib. 7. Phys. tract. 1. cap. 2. quatenus ait,
materiali primam, formam substantialem, &
omnia accidentia entis naturalis per vnam tantum
præsentiam in loco esse.

Secunda sententia magis communis est, sub-
stantias corporeas, & singula eorum accidentia,
præter ea, quæ suapte essentiæ affixa sunt spatio locali, proprias præsentias habere sibi inhærentes,
pro prijsque motibus moueri. Ita tenet Soar. disp.
51. Metaph. lect. 5. Petr. Hurt. disp. 14. Phys. lect.
4. Arriag. disp. 14. Phys. lect. 6. Ouidio Contr.
15. Phys. pun. 5. Fran. Alf. disp. 22. Phys. lect. 5.
Carleton. disp. 34. Phys. lect. 5. Spinula disp. 10.
Phys. lect. 6. & alij. Qui pariter etiam sentire viden-
tur de accidentibus subst. antiarum spiritualium.

Propositio 1.

Angeli per præsentiam superadditam, & sibi inhærentem independenter à cor-
poribus sunt localiter præsentes, prout tenent Doctores relati pro quartæ sen-
tentia.

Probatur imprimis hæc propositio argumen-
tis omnibus quibus quæst. 1. generatim probauit-

R 2 mus,